

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 401746 21 St
Tuzla, 28.12.2022.godine

OPĆINSKI SUD U TUZLI, sudija Faruk Arnaut, odlučujući o prijedlogu stečajnog upravnika da se zaključi stečajni postupak nad imovinom stečajnog dužnika „**KALE- POLOVNA ROBA“ d.o.o. Lukavac, ul. Milerova br.2, Lukavac, u stečaju, „KALE-POLOVNA ROBA“ d.o.o. Lukavac, Podružnica Lukavac br.1**, dana 28.12.2022. godine donio je sljedeće:

R J E Š E N J E

ZAKLJUČUJE SE stečajni postupak nad imovinom dužnika „**KALE- POLOVNA ROBA“ d.o.o. Lukavac, ul. Milerova br.2, Lukavac, u stečaju, „KALE-POLOVNA ROBA“ d.o.o. Lukavac, Podružnica Lukavac br.1**., matični broj subjekta 32-01-0219-17, JIB: 4210304570007, nakon okončanja završne diobe.

Rješenje o zaključenju stečajnog postupka objaviti će se u “Službenim novinama FBiH”, na oglasnoj ploči ovog suda i WEB stranici suda, te dostaviti za FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem suda od 19.11.2021.godine otvoren je stečajni postupak nad imovinom stečajnog dužnika ” **KALE- POLOVNA ROBA“ d.o.o. Lukavac, ul. Milerova br.2, Lukavac, u stečaju** (u daljem tekstu stečajni dužnik). Nakon otvaranja stečajnog postupka održana je Skupština povjerilaca (ispitno i izvještajno ročište) dana 06.01.2022. godine na kojem su ispitana potraživanja povjerilaca, Uvidom u zapisnik sa održanog ispitnog ročišta proizilazi da su ispitana potraživanja u ukupnom priznatom iznosu od 684.362,48 KM, od čega su potraživanja raspoređena u opći isplatni red u iznosu od 681.352,48 KM, a u opći isplatni red na iznos od 3.010,00 KM. Potraživanja povjerilaca su razmotrena na način da je povjeriocu UIO RC Tuzla priznat prijavljeni iznos od 681.352,48 KM kao potraživanje općeg isplatnog reda, te povjeriocu Kasimu Jusiću priznat prijavljeni iznos potraživanja od 3.010,00 KM

Skupština povjerilaca je na održanim izvještajnim ročištima donijela odluke da se pristupi unovčavanju nepokretne i pokretne imovine usmenim javnim nadmetanjem usvajanjem procijenjenim vrijednostima od strane sudskih vještaka, odnosno za nepokretnu imovinu u procijenjenoj vrijednosti od 289.000,00 KM, te vrijednosti opreme, robe i zaliha prema procijenjenoj vrijednosti od 7.250,00 KM, a da se nepokretna i pokretna imovina unovčava na način da na prvoj prodaji se ne može prodavati ispod ½ procijenjene vrijednosti, na drugoj prodaji

ispod 1/3 procijenjene vrijednosti, a na trećoj prodaji da se imovina može prodavati neposrednom pogodbom uz obavezu javnog oglašavanja dostavljanjem ponuda putem zatvorenih koverata o kojima bi se izjašnjavala skupština povjerilaca. Skupština povjerilaca je usvojila prijedlog stečajnog upravnika da se izvrši otpis zastarjelih potraživanja, uz dostavu obavijesti dužnicima na ime potraživanja za koja bude utvrđeno da nisu zastarjela.

Dana 23.05.2022. godine, održano je naknadno ispitno i izvještajno ročište-skupština povjerilaca, a na kojim su ispitane prijave potraživanja povjerioca UIO RC Tuzla, prijavljene u iznosu od 308.847,54 KM i 56.098,00 KM, koje su priznate u cijelosti i raspoređene u opšti isplatni red. Stečajni upravnik je u izvještaju prikazao da je ukupan iznos prijavljenih potraživanja u stečajnom postupku 1.049.308,02 KM, od čega je priznat iznos od 1.046.298,02 KM kao potraživanja općeg isplatnog reda i iznos od 3.010,00 KM kao potraživanje nižeg isplatnog reda. Na održanom izvještajnom ročištu skupština je jednoglasno donijela odluke: da se izvrši otpis polovne robe koju je stečajni upravnik zatekao u poslovnom objektu tužitelja, za koju robu nema dokumentaciju o vlasništvu prednika dužnika, koja je izuzetne male procijenjene vrijednosti od 224,00 KM, a koju nije preuzeo direktor društva koji je prije otvaranja stečaja imao sjedište u poslovnom objektu dužnika. Dalje, slijedi da je donesena odluka da se ne vrši revizija finansijskih izvještaja poslovanja stečajnog dužnika za period trajanja stečajnog postupka (čl. 156. stav 5. i stav 6. Zakona o stečaju), zatim da je donesena odluka o otpisu potraživanja kupaca u zemlji i inostranstvu prema finansijskom izvještaju prije otvaranja stečaja u iznosu od 4.807,00 KM (nenaplativa potraživanja), donesena je odluka otpisu polovne opreme, stari kompjuter procijenjene vrijednosti od 150,00 KM, te je donesena odluka da se treća prodaja zaliha robe u vlasništvu dužnika izvrši metodom zatvorenih koverata dostavom istih Općinskom sudu u Tuzli, a nakon čega bi komisija za provođenje postupka odabrala ponuđača sa najvećom ponuđenom cijenom kao kupca preostale pokretne imovine.

Dana 15.09.2022. godine, održano je ročište za završnu diobu, na kojem je stečajni upravnik iznio prijedlog glavne diobe, te upoznao povjerioce da je ukupan iznos sredstava na računu na dan podnošenja prijedloga završne diobe je 92.528,74 KM, da je prije namirenja povjerilaca shodno odredbama članova 99. i 100. Zakona o stečaju potrebno izvršiti povrat sredstava uplaćenih za otvaranje stečajnog postupka od strane predlagača Kasima Jusića u iznosu od 13.065,23 KM, zatim ostalih predviđenih troškova koji će uslijediti do okončanja stečajnog postupka u iznosu od 8.033,00 KM. Prema prijedlogu stečajnog upravnika ukupno je predviđen iznos za završnu diobu od 71.430,51 KM sa namirenjem potraživanja povjerioca općeg isplatnog reda od 6.8269%, a kojom diobom se predviđa namirenje potraživanja povjerioca UIO RC Tuzla u navedenom iznosu. Na istom ročištu je od strane povjerilaca usvojen prijedlog završne diobe po prijedlogu stečajnog upravnika.

Nakon dostavljanja u spis suda dana 28.09.2022. godine dokaza o provođenju završne diobe od strane stečajnog upravnika, sud je u smislu odredbe člana 190. stav 3. i 4. Zakona o stečaju u FBiH, zakazao ročište radi razmatranja završnog izvještaja.

Na održanom ročištu od 08.12.2022. godine, stečajni upravnik je podnio završni izvještaj iz kojeg proizilazi da je tokom stečajnog postupka izvršeno unovčenje imovine: poslovno-skladišna hala, koja je na drugom javnom nadmetanju prodana po cijeni od 99.334,00 KM, zatim zalihe robe koje su na trećoj prodaji metodom zatvorenih koverti pordate po cijeni od 200,00 KM

uvećano za PDV. Iz izvještaja proizilazi da je izvršeno namirenje povjerioca UIO RC Tuzla u iznosu od 71.430,51 KM što procentualno iznosi 6,8269% od ukupno priznatog potraživanja. Dalje iz izvještaja proizilazi da je ukupan priliv sredstava tokom stečajnog postupka bio u iznosu od 105.019,00 KM, a shodno unovčenju nepokretne i pokretne imovine, kao i na osnovu izvršene uplate predujma za pokretanje stečaja u iznosu od 13.065,23 KM. Prema izvještaju stečajnog upravnika proizilazi da su ukupni bruto troškovi stečajnog upravnika (nagrada i naknada za rad) isplaćeni u iznosu od 15.068,00 KM, a da su ostali troškovi nastali vođenje stečajnog postupka u iznosu od 28.802,91 KM u koji iznos je uračunat i iznos povrata sredstava od 13.065,23 KM na ime uplaćenog predujma za otvaranja stečaja. U konačnom stečajni upravnik je dao prikaz promjena na računima novčanih sredstava u periodu od 19.11.2022. godine do 05.12.2022. godine, tako da je ukupna priliv bio u iznosu od 118.084,23 KM, ukupan odliv 115.48606 KM a da krajnje stanje na računu na dan 05.12.2022. godine je iznosio 2.598,17 KM. Navedeni iznos prema datom opisu taksativno nabrojanih troškova u izvještaju stečajnog upravnika biti će utrošen za provođenja radnji koje će uslijediti sve dio brisanja subjekta iz sudskog registra.

Shodno svemu iznesenom, a posebno nakon što je okončana završna dioba i nakon što je stečajni upravnik podnio izvještaj o završnoj diobi, stekli su se uslovi za zaključenje stečajnog postupka, te je sud shodno članu 190. Zakona o stečaju („Službene novine FBiH“, broj 53/2021), odlučio kao u dispozitivu rješenja.

Temeljem odredbe člana 190. stav 10. i člana 204. stav 1. Zakona o stečaju, rješenje o zaključenju stečajnog postupka objavljuje se u „Službenim novinama FBiH“, na oglasnoj ploči suda, WEB stranici suda, te se ima dostaviti za FIA-a.

Odluka o brisanju pravnog lica iz javnih registara temelji se na odredbi člana 204. stav 2 i stav 5. Zakona o stečaju.

STEČAJNI SUDIJA
Faruk Arnaut

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, protekom petog dana od dana objavljivanja rješenja u Službenim novinama.